

Grad Novi Pazar
Skupština grada
Odbornička grupa SDA Sandžaka
Novi Pazar
19. mart 2023. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 109. stav 2. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo prijedlog **da se iz predloženog dnevnog reda 1. sjednice Skupštine grada Novog Pazara zakazane za 20. mart 2023. godine, povuče tačka 4. Prijedlog Operativnog plana odbrane od poplava na teritoriji grada Novog Pazara za vode II reda za 2023. godinu**

O b r a z l o ž e n j e:

Prijedlog za povlačenje ove tačke dnevnog reda temelji se na činjenici da prijedlog akta u okviru ove tačke dnevnog reda, koji treba da se razmatra od strane Skupštine, nije bio predmet razmatranja od nadležnog radnog tijela Skupštine grada prije nego je uvršten u dnevni red.

Zakonom o lokalnoj samoupravi (član 36) propisano je da se radna tijela osnivaju radi razmatranja pitanja iz nadležnosti Skupštine, odnosno da radna tijela daju mišljenje na prijedloge propisa i odluka koje donosi Skupština. Članom 50. Statuta grada Novog Pazara propisana je ista obaveza kao i članom 55. Poslovnika. Član 138. stav 4. Poslovnika Skupštine grada propisuje da se prijedlog odluke upućuje nadležnom radnom tijelu radi davanja mišljenja. Članom 139. Poslovnika izričito propisano da radna tijela Skupštine mogu predložiti Skupštini da prihvati prijedlog odluke u cjelini ili predložiti da Skupština donese odluku djelimično ili u cjelini izmijenjenu. Dakle naprijed navede odredbe Zakona, Statuta i Poslovnika obavezuju Skupštinu grada da prije nego razmotri određeno pitanje odnosno odluku ili neki drugi akt pribavi mišljenje nadležnog radnog tijela koje ima pravo da predloži određene izmjene i dopune ili da sugeriše Skupštini da predloženi akt usvoji u obliku kako je predložen.

Kada je u pitanju Prijedlog Operativnog plana odbrane od poplava na teritoriji grada Novog Pazara za vode II reda za 2023. godinu, shodno Poslovniku, dva radna tijela su nadležna da

predloženi akt razmatraju prije nego se o njemu izjasni Skupština grada i to Savjet za vodoprivredu (član 66) i Savjet za bezbjednost (član 77).

Imajući u vidu da nadležno odnosno nadležna radna tijela nisu razmatrala prijedlog akta koji je uvršten u prijedlog dnevnog reda za sjednicu Skupštine grada koja je zakazana za 20. mart 2023. godine, nisu se stekli uslovi da predloženi akt bude razmatran od strane Skupštine grada s tim u vezi isti je potrebno povući iz predloženog dnevnog reda, uputiti ga nadležnom radnom tijelu na razmatranje a tek nakon toga uvrstiti ga u prijedlog dnevnog reda Skupštine grada.

Predsjednik odborničke grupe

Mr. Ahmedin Škrijelj